

1. Ունայնություն է աշխարհը այս սին,
 Ոչ ոք չասաց ինձ նույնիսկ այդ մասին,
 Օրերը եկան, անցան շատ իզուր,
 Երկրում ապրում եմ ինչպես օտար հյուր:
 Ո՛վ հոգի ծախված
 Ու դատապարտված,
 Աշխարհի կողմից եղար դու խաբված:

2. Զղջման արցունքով ելա Գողգոթա,
 Հիսուսին տեսա ու ծնկի եկա,
 Աշխարհը՝ ունայն, երկինքն է հույսս.
 Գնեց իր արյամբ ինձ Տեր Հիսուսը:
 Հոգիս երկնային
 Երկինք կգնա,
 Մարմինս հող է, հողին կդառնա:

3. Երկնքի դուռն է բացել իմ Տերը,
 Այնտեղ պիտ գնան Տիրոջ սուրբերը,
 Հրաման կգա շուտով երկնքից,
 Հրավեր ունեմ իմ Տեր Հիսուսից:
 Հոգիս երկնային
 Երկինք կգնա,
 Մարմինս հող է, հողին կդառնա:

4. Աշխարհ դու անգոր, Տերս քեզ հաղթեց,
 Սև ճիրաններից հոգիս ազատեց,
 Մարդիկ, դուք բացեք ձեր քար սրտերը,
 Փշրված սիրտ է սիրում մեր Տերը:
 Հոգիս երկնային
 Երկինք կգնա,
 Մարմինս հող է, հողին կդառնա: